

# 新界名山

(四)

額涼生

## (七) 八仙嶺

八仙嶺。高二千英尺。在大埔墟東北六英里。嶺有八峯。連屬而走。故名。南麓有汀角。即耳。黃村。牛坳等地。邵水曲山廻。田野錯落。別具幽邃。其北。峯壑廻嶺。白雲深鎖。而溪澗流泉。淙淙然也。蜈蚣地(即烏蛟田)。涌尾溪。新娘潭皆在焉。

## (八) 蟹山

蟹山。一名蚌地。東接荃灣而南濱海。乃一高約七八丈之小邱也。邱上綠草叢雜。間有波羅出。山半。有鄧氏祖墓。為新界著名風水地。墓佔地甚廣。頗壯麗。碑字模糊。不易辨認。其末打云。「道光二十九年十二月某日。香港。東莞。新安五房子孫同立。」立此。可望香島之維多利亞山。浩浩蕩蕩。勢極雄偉。左右有三百錢及打金鐘。在西貢東南五英里。居首。蚌地次之。清季。鄧氏先人葬此後。其族聲名頗盛。後見嫉於某族。謀毀壞之。遂洩其山氣。今之新界鄧族。必到此祭掃。極一時之盛也。

篇末

例如白雲山。神山。孔嶺。營盤山。小梧桐

山。水門山。蠔壳山。打鼓山。洪水山。白水山

大鵬山。鴨鑪山。剃刀山。明山。大羅天山。雞

公山。麒麟山。高鵝頭山。惡魔山。夏綠堡士山

針山。草山。大羊頭山。及水牛山等。無甚可

述。故從略焉。

(已完)